



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2018 йил 3 ноябрь, № 228 (7186)

Шанба

Сайтимизга ўтиш учун QR-кодни
телефонингиз орқали сканер қилинг.



ХАЛҚ ТАЪЛИМИ ТИЗИМИНИ РИВОЖЛАНТИРИШ БЎЙИЧА ИСЛОҲОТЛАР НАТИЖАДОРЛИГИ ТАҲЛИЛ ҚИЛИНДИ

Ўзбекистон Республикаси Президенти Шавкат Мирзиёев 2 ноябрь куни халқ таълими тизимини янада ривожлантириш борасидаги ислохотлар самарадорлигини ошириш масалаларига бағишланган йиғилиш ўтказди.

Таълим-тарбия тизими-ни мутлақо янги босқичга кўтариш мақсадида жорий йил 5 сентябрь куни давлатимиз раҳбарининг “Халқ таълимини бошқариш тизимини такомиллаштириш бўйича қўшимча чора-тадбирлар тўғрисида”ги Фармони, шунингдек, қатор қарорлари қабул қилинди.

Шу йил 1 сентябрдан мактабларда фаолият олиб бораётган 450 мингдан зиёд педагог ва раҳбар ходимларнинг маоши оширилди. Халқ таълими ходимларига уй, ер, маиший техника, қорва ва машина сотиб олиш учун имтиёзли кредитлар бериш тизими жорий этилди. Улар учун махсус давлат мукофоти таъсис қилинди. Ўқитувчиларни бошқа ишларга жалб этиш, мактабларда асоссиз текширувлар ўтказиш амалиётига чек қўйилди.

Ушбу саъй-ҳаракатлар натижасида халқ таълими тизими жорий йилда 16 минг нафар олий маълумотли ёш кадр билан тўлдирилди. Қарийб 13 минг нафар эркак ўқитувчилар мактабларга қайтди.

Президентимиз соҳа олдида яна кўплаб вазифалар тургани, дарсликлар таъминоти, таълим дастурлари сифати, ўқитувчилар билим ва малакасини ошириш, кадрлар етишмовчилигини бартараф этиш, чет тилларни ўқиш имкониятини кенгайтириш борасидаги ишлар талаб даражасида эмаслигини таъкидлади.

Халқ таълими тизимида ўқув жараёнини автоматлаштириш, ўқувчиларни мактабга қабул қилиш ва кўчириш хизматларини электрон шаклга ўтказиш, давлат-хусусий шериклик

асосида хусусий мактаблар ташкил этиш сушт бораётгани қайд этилди. Йиғилишда шу йўналишларда амалга оширилиши зарур бўлган чора-тадбирлар муҳокама қилинди.

Қайд этилганидек, айни пайтда мактаб ўқитувчиларининг билими ва малакаси талабга жавоб бермайдиган. Тизимдаги 422 мингдан ортиқ педагогларнинг 65 минг нафари ўрта махсус маълумотли. Атиги 11 минг нафар ўқитувчи олий тоифали.

Айни пайтда 3 мингдан ортиқ педагог кадрларга реал эҳтиёж мавжуд. Жумладан, инглиз тили, рус тили ва адабиёти, бошланғич синф, информатика, математика фанлари ўқитувчилари етишмайди.

Шунинг учун Халқ таълими вазирлиги, Ўрта махсус, касб-хунара таълими маркази, Бандлик ва меҳнат муносабатлари вазирлигига вакант лавозимларга педагогларни жалб қилиш, чекка ҳудудларга бориб ишлайдиган ўқитувчиларни рағбатлантириш ва малакасини ошириш бўйича комплекс чора-тадбирларни ишлаб чиқиш вазифаси топширилди.

Ўқув-методик ва дарсликлар сифатини ошириш ҳам долзарб масалалардан. Ўқув йили бошланганида 2 ой тўлган бўлса-да, 3, 5, 8-синф ўқувчилари учун 33 мингдан зиёд дарсликлар етишмайди. Дарсликларда хатоликлар қўллиги ҳам ачинарлидир. Бу борадаги камчиликларни бартараф этиш бўйича топшириқлар берилди.

Йиғилишда мактаблар биноси, уларнинг моддий-техника базаси ҳолатига ҳам эътибор қаратилди.



Аэропортдан «Tashkent City»гача

Самолётда Тошкент халқаро аэропортига кўнган йўловчилар терминалдан платформага ўтиб, ўша ердаги қулай осма вагонга чиқишади. Эшиклар ёпилади ва у ер устида ҳаракатланишни бошлайди.

Ойналардан пойтахтимизнинг бетакрор манзараларини томоша қилиш мумкин. Бироқ бундай ёқимли сафар узоқ давом этмайди: йўловчилар ўн дақиқа ўтар-ўтмас, бир нечта бекатлардан сўнг “Tashkent City” яқинидаги “Халқлар дўстлиги” метросида жойлашган сўнгги манзилга етиб келишади.

— Ҳозирча бундай қулайликни йўлга қўйиш фақат режамизда мавжуд, —

**ОСМА ВАГОНДА
БОРИШ ЛОЙИҲАСИ.
У ҲАҚДА НИМАЛАР МАЪЛУМ?**

Иновация

дейди самимий табассум билан Москванинг “РТО” МЧЖ бош директори Иван Филяев. — Биз ана шундай гоғялар билан Ўзбекистон ва Россия ўртасида илк бор ўтказилган ҳудудлараро ҳамкорлик форумига ташриф буюрдик. Шу асосда Тошкентда “Стрела” ер усти транспорт тизимини (ЕТТ) яратишни таклиф этдик.



Бунёдкорлик

Бундан қирқ бир йил муқаддам пойтахтимизда янги транспорт воситаси — метрополитен ишга туширилган эди. Ўтган вақт мобайнида у нафақат юртимиз фуқаролари, балки меҳмонларга ҳам тезкор транспорт сифатида хизмат кўрсатиб келмоқда.

Бугунги кунда Тошкент шахрининг учта ҳудудида ер ости ва ер усти метро қурилиши ишлари қизғин олиб борилмоқда. Темир йўлчи кўприксозлар томонидан бунёд этилаётган, узунлиги 7,1 километрга тенг бўлган Сергели линииси 2020 йилга қадар фойдаланишга топширилиши кўзда тутилган.

Айни кунда лойиҳанинг дастлабки босқичида Тошкент метрополитенининг “Дўстлик” бекатидан “Қўйлик” бозоригача бўлган 7 та бекатдан иборат қисми қурилмоқда.



Владимир НОРОВ:

**«ТЕРРОРИЗМГА ҚАРШИ КУРАШ БЎЙИЧА
ЎЗБЕКИСТОН ТАЖРИБАСИ ХОРИЖДА
КАТТА ҚИЗИҚИШ УЙҒОТМОҚДА»**

Нуқтаи назар

Аввал хабар қилинганидек, Тошкентда Шанхай ҳамкорлик ташкилоти Минтақавий аксилтеррор тузилмаси томонидан “Терроризмга қарши кураш — чегара билмас ҳамкорлик” мавзусида олтинчи халқаро конференция ўтказилди. Унда ШХТга аъзо, қузатувчи ва мулоқот бўйича шерик мамлакатлар делегациялари, БМТ, ЕХХТ, МДХ каби халқаро ташкилотларнинг тегишли тузилмалари вакиллари иштирок этди.

Анжуманда чиқиш қилган Ўзбекистон Республикаси Президенти ҳузуридаги Стратегик ва минтақаларо тадқиқотлар институти директори Владимир НОРОВ мамлакатимизда ёшларнинг радикаллашувига қарши курашиш бўйича олиб борилаётган чора-тадбирлар ҳақида гапириб берди.



— Сўнгги йилларда дунёда кескин ўзгараётган вазият, геосиёсий қарама-қаршилиқлар, замонавий таҳдидлар ва хатарларнинг кескинлашуви хавфсизликни таъминлаш масаласини

янада долзарблаштиряпти. Бинобарин, бугунги кунда радикализм, экстремизм ва терроризм хавфи мисоли кўрилмаган, глобал миқёсда касб этмоқда. Улар ижтимоий-иқтисодий та-



РОССИЯ ДЕЛЕГАЦИЯСИ БУХОРОДА

Россия Либерал-демократик партияси раиси Владимир Жириновский бошчилигидаги делегация 2 ноябрь куни Бухорога келди.

Россия Федерацияси Давлат думаси федерал мажлиси депутатларидан иборат меҳмонларни Бухоро халқаро аэропортида Ўзбекистон Республикаси Олий Мажлиси Сенати Раисининг биринчи ўринбасари С. Сафоев, Бухоро вилояти ҳокими Ў. Барноев ва жамоатчилик вакиллари кутиб олди.

Ўзбекистон ва Россия парламентлари вакиллари ўртасида мулоқот бўлиб ўтди. Мамлакатларимиз ўртасидаги муносабатлар ўзаро ишонч ва манфаатдорлик, стратегик шериклик ва иттифоқчилик таъминлаш борасида олиб борилаётган ислохотлар ҳақида сўзлаб берилди.

Меҳмонларга Ҳаракатлар стратегияси доирасида мамлакатимизда амалга оширилаётган ижтимоий-иқтисодий ислохотлар ҳақида сўзлаб берилди.

Владимир Жириновский Президент Шавкат Мирзиёев раҳбарлигида иқтисодиётни либераллаштириш, хусусий тадбиркорликни қўллаб-қувватлаш борасида олиб борилаётган ислохотларни юқори баҳолади. Миллий ўзликни асраш, илм-фан ва инновация соҳасини ривожлантириш йўлидаги саъй-ҳаракатлар ўз самараларини бераётганини мамнуният билан қайд этди.

**Ўзбекистон Республикаси
Президентининг
ҚАРОРИ**

ХАЛҚАРО БАХШИЧИЛИК САНЪАТИ ФЕСТИВАЛИНИ ЎТКАЗИШ ТЎҒРИСИДА

Хар қайси халқнинг азалий тарихи ва маданияти, энг аввало, унинг оғзаки ижоди — фольклор санъатида, дoston ва эпосларида мужассам толган бўлиб, улар миллатнинг ўзлигини англаш, унинг ўзига хос миллий қадриятлари ва анъаналарини сақлаш ва ривожлантиришда бебаҳо манба ҳисобланади.

Ўзбек миллий бахшичилик ва дostonчилик санъатининг ноёб намуналарини асраб-авайлаш ва ривожлантириш, уни кенг тарғиб қилиш, ёш авлод қалбида ушбу санъат турига ҳурмат ва эътибор туйғулари кучайтириш, турли халқлар ўртасидаги дўстлик ва биродарлик ришталарини мустаҳкамлаш, ижодий ҳамкорлик, маданий-маънавий муносабатлар доирасини халқаро миқёсда янада кенгайтириш мақсадида:

1. Ўзбекистон Республикаси Маданият вазирлиги, Фанлар академияси ҳамда Сурхондарё вилояти ҳокимлигининг Термиз шаҳрида ҳар икки йилда бир марта Халқаро бахшичилик санъати фестивалини (кейинги ўринларда Фестиваль деб юритилади) ташкил этиш ҳамда ушбу фестивални биринчи марта 2019 йилнинг 5 — 10 апрель кунлари ўтказиш тўғрисидаги таклифлари маъқуллансин.

2. Халқаро бахшичилик санъати фестивалига тайёргарлик кўриш ва уни ўтказиш бўйича ташкилий қўмита (кейинги ўринларда Ташкилий қўмита деб юритилади) таркиби иловага мувофиқ тасдиқлансин.

Вазирлар Маҳкамаси ўн кун муддатда Халқаро бахшичилик санъати фестивалини ўтказиш тартиби тўғрисида низом ҳамда Халқаро бахшичилик санъати фестивалини 2019 йилда ўтказиш бўйича “йўл харитаси”ни ишлаб чиқсин ва тасдиқласин.

3. Ташкилий қўмитага (А. Арипов):

Фестивални ўтказиш бўйича белгиланган вазибаларни ўз вақтида ва сифатли бажарилишини таъминлаш; Фестиваль совриндорларига топширилаётган диплом, сертификати, ҳайкалчалар намуналарини ишлаб чиқиш ва тасдиқлаш;

Фестивални ташкил этиш ва ўтказиш ишлар боғлиқ бошқа масалаларни ҳал этиш вазибалари юклансин.

4. Сурхондарё вилояти ҳокимлиги, Маданият вазирлиги Фестивални ташкил этиш ва ўтказиш бўйича масъул этиб белгилансин.

5. Ўзбекистон Республикаси Ташқи ишлар вазирлиги: Фестивалга хорижий давлатлардан таниқли фольклоршунос олимлар, бахши, шоир, оқин ва жировлар, ижодий жамоалар, оммавий ахборот воситалари вакиллари ва фахрий меҳмонларни таклиф этишда Маданият вазирлигига амалий ёрдам кўрсатсин;

Фестивалга ташриф буюрувчи меҳмонлар учун Маданият вазирлигининг буюртманомаларига биноан, Ўзбекистон Республикасига кириш визаларининг белгиланган тартибда консулик ва бошқа йғимлар ундирилмасдан расмийлаштирилишини таъминласин.

6. Маданият вазирлиги Фестивалнинг тантанали очилиш маросимини ҳар томонлама пухта ва бадий жиҳатдан бетакрор усулда тайёрлаш учун юксак профессионал маҳорат ва тажрибага эга бўлган сценарист ва режиссёрлар, балетмейстерлар, сахна россомлари, истевдодли ёш санъаткорларни кенг жалб этсин.

7. Сурхондарё вилояти ҳокимлиги Термиз шаҳрида обodonлаштириш ва кўкаламзорлаштириш ишлари амалга оширилишини, Фестиваль ўтказиладиган сахна майдонлари ва заллар талаб даражасида тайёрланишини таъминласин.

8. Маданият вазирлиги Туризмни ривожлантириш давлат қўмитаси, Ўзбекистон Бадий академияси, “Олтин мерос” халқаро хайрия жамғармаси, Ўзбекистон Ёзувчилар уюшмаси, Ўзбекистон Савдо-саноат палатаси ва “Хунарманд” уюшмаси билан биргаликда:

Фестиваль доирасида Термиз шаҳридаги “Сурхондарё санъат саройи” давлат муассасаси майдони ҳудудида бахшичилик санъатига оид турли кўргазмалар, миллий созлар ва либослар, хунармандчилик буюмлари, тасвирий ва амалий санъат асарлари, ҳайкалтарошлик намуналари, бадий ва ҳужжатли фильмлар, аудио ва видео дисклар, китоблар, альбомлар, фотосуратлар намойиши ва уларнинг сотуви ташкил этилишини;

Фестиваль дастури ишлаб чиқилиши ва унинг Фестиваль ўтказилишидан уч ой аввал туризм ташкилотларига тақдим этилишини, Интернет жаҳон ахборот тармоғи ва ижтимоий тармоқларда жойлаштирилишини;

Фестиваль веб-сайтини бир ой муддатда тайёрлаб, Интернет тармоғига жойлаштирилишини ҳамда мунтазам равишда янгиликлар, фотосуратлар, аудио ва видео материаллар билан янгилаб борилишини таъминласин.

9. Туризмни ривожлантириш давлат қўмитаси, Сурхондарё вилояти ҳокимлиги Фестиваль қатнашчилари ва меҳмонлар учун меҳмонхоналардан жой ажратиш чораларини кўрсин.

10. Белгилаб қўйилсинки, Фестивални тайёрлаш ва ўтказиш билан боғлиқ харажатлар Ўзбекистон Республикаси Маданият вазирлиги ҳузуридаги Маданият ва санъатни ривожлантириш жамғармаси, Сурхондарё вилояти маҳаллий бюджети маблағлари ҳисобидан тенг улушларда ҳамда ҳомийлик хайриялари ва қонун ҳужжатларида таққиланмаган бошқа манбалар ҳисобидан қопланади.

11. Ўзбекистон Миллий ахборот агентлиги, Ўзбекистон Миллий телерадиокомпанияси, “Дунё” ахборот агентлиги ва бошқа оммавий ахборот воситаларига Фестивалга тайёргарлик кўриш ва уни ўтказиш бўйича амалга оширилаётган ишларни кенг ёритиб бориш тавсия этилсин.

12. Маскур қарорнинг бажарилишини назорат қилиш Ўзбекистон Республикасининг Бош вазири А. Н. Арипов зиммасига юклансин.

**Ўзбекистон Республикаси
Президенти**

Ш. МИРЗИЁЕВ

Тошкент шаҳри,
2018 йил 1 ноябрь



ХАЛҚ ТАЪЛИМИ ТИЗИМИНИ РИВОЖЛАНТИРИШ БЎЙИЧА ИСЛОҲОТЛАР НАТИЖАДОРЛИГИ ТАҲЛИЛ ҚИЛИНДИ

1 ➡

Мактабларда 11 йиллик тизимга ўтилгач, ўқувчилар сони 1 миллионга ортган. Бугунги кунда 138 та мактаб филиали ўз биносига эга эмас, 55 та филиалда ўқувчилар сони меъёридан юқори. Инвестиция дастури доирасида 35 та мактабда қурилиш-таъмирлаш ишларини тезроқ якунлаш керак. 5 мингдан зиёд физика, кимё ва биология ўқув-лаборатория жиҳозлари, 43 минг тўплам ўқув мебелари.

Президентимиз белгиланган мактаблардаги қурилиш-таъмирлаш ишларини якунлаш, марказлашган инвестиция маблағлари ҳисобидан уларни жиҳозлаш кераклигини таъкидлади.

Худудлар талабидан келиб чиқиб, лицей ва коллежларнинг бўшаган биносини жорий йил охирига қадар Халқ таълими вазирлиги тасарруфига ўтказиш, 2019 йил 1 январгача жойлардаги мактаб филиалларини асосий мактабга айлантириш, мактаб автобуслари билан тизимли таъминлаш бўйича кўрсатмалар берилди.


Йиғилишда мактабларда билим бериш ва ўзлаштириш даражаси бугунги замон талабларига мос эмаслиги танқид қилинди. 10, 11-синф ўқувчиларини касб-хунарга ўргатиш мақсадида ўқув-ишлаб чиқариш мажмуалари ташкил этиш ва уларни жиҳозлаш ишлари қониқарсиз экани кўрсатиб ўтилди.

Мамлакатимиз бўйича синфлар-



Юртимиз маданий-маърифий ҳаётидаги қайси жиҳатлар ЮНЕСКО томонидан эътироф этилган?

Ўзбекистон халқро муносабатларда ўзаро ишонч, икки томонлама манфаатдорлик тамойилларига алоҳида эътибор қаратиб келмоқда. Шу асосда мамлакатимизнинг қатор нуфузли халқро ташкилотлар билан ҳамкорлиги тобора мустаҳкамланиб борапти. Ана шундай тузилмалардан бири — БМТнинг Таълим, фан ва маданият масалалари бўйича ташкилоти (ЮНЕСКО) ҳисобланади.



РОССИЯ ДЕЛЕГАЦИЯСИ БУХОРОДА

1 ➡

Мулоқотда парламентлараро муносабатларни ривожлантириш барча соҳада изчил ютуқларга эришиш, мамлакатларимизнинг манфаатли алоқаларини янада тараққий эттириш имконини бериши таъкидланди.

— Ўзбекистон ва Россия иқтисодиёт, туризм, таълим соҳасида ҳамкорликни ривожлантиришда улкан имкониятларга эга, — деди В. Жириновский. — Бунинг учун ўзаро мулоқотларни кенгайтириш, тадбиркорлик фаолияти йўлида зарур шароитларни яратиш керак. Бу борадаги мақсадларга эришишда турли вазирлик ва идоралар, хусусан, парламентларо ҳамкорлик гуруҳлари имкониятларидан самарали фойдаланиш зарур.

2500 йиллик тарихга эга Бухоро заминида яшаётган турли миллат ҳамда элат вакилларининг дўстлиги маданий ва маънавий анъаналарга асосланган, Марказий Осиё халқлари қадимий меросидан руҳий қувват олган.

Куннинг иккинчи ярмида Россия делегацияси Бухорода бўнбд этилган маданий мерос объектлари, диққатга сазовор жойларни томоша қилди.

Мехмонлар Бухоро яхудиylари синагогасида бўлиб, юртимизда барча дин ҳамда миллат вакиллари учун яратилган эркинлик ва шароитлар билан танишди.

Бухоронинг тарихий қисмидаги меъморий бидалар, миллий хунармандлик мактаблари фаолияти делегация аъзоларида катта таассурот қолдирди.

Ўлубек ШОНАЗАРОВ, ЎЗА махсус мухбири.

КИМЁ МАҲСУЛОТЛАРИ ИШЛАБ ЧИҚАРИШ ҲАЖМИ ОРТАДИ

Мамлакатнинг барқарор иқтисодий юксалишида кимё саноатининг ўрни бекиёс. Чунки бу соҳа — саноатнинг катализатори. Ҳар қандай ишлаб чиқариш негизига кимёвий жараёнлар кечилиши инобатга олсак, ушбу тизимсиз иқтисодиётда тараққиёт бўлмайди, десак, муболаға эмас.

Депутат фикри

Юртимизда амалга ошири-лаётган кенг қўламли ислохотлар кимё саноатида ҳам ижобий на-тижалар бермоқда. Бироқ соҳада ўз ечимини кутаётган масалалар ҳам борки, бундан куз юмиб бўлмайди. Хусусан, тармоқни яна-да ривожлантириш ва диверсификация қилиш, кимё маҳсулот-лари ишлаб чиқарадиган қувват-ларни модернизациялаш ва ян-гиларини қуриш учун инвестиция-ларни жалб этиш, экспорт ҳаж-мини кенгайтиришга тўқсунлик қилаётган муаммолар ҳанузгача сақланиб қолмоқда.

Давлатимиз раҳбарининг жо-рий йил 25 октябрдаги “Ўзбекис-тон Республикасида кимё саноа-тини жадал ривожлантириш чора-тадбирлари тўғрисида”ги қарори тизимда учраётган ана шундай камчиликларни бартараф этиш-га йўналтирилгани билан аҳами-ятлидир.

Мазкур ҳужжатга мувофиқ, кимё саноати корхоналарининг устав капиталида давлат ишти-ркини қисқартириш, тармоққа

фосфор ва калийли минерал ўғит-лар ҳам мавжуд талабнинг фақат учдан бирини қоплайди холос.

Шуни алоҳида қайд этиш ке-ракки, 2020 йилдан бошлаб “Ўқимёсаноат” АЖ таркибига ки-рувчи акциядорлик жамиятлари томонидан йиллик молиявий ҳисоботларни эълон қилиш ва уларни Халқро аудит стандарт-лари ҳамда Халқро молиявий ҳисоботлар стандартларига муво-фиқлиги юзасидан ташқи аудит-дан ўтказиш тартиби жорий эти-лади. Бу, албатта, соҳанинг ис-тиқболига ҳамда ишлаб чиқариш жараёнларининг самарадорлиги-ни оширишга хизмат қилади.

Айни пайтда табиий газнинг атиги 14 фоизи, жумладан, кимё тармоғида 5 фоизи чуқур қайта ишланмоқда. Кремний, каолин ва гипс ҳам ашёсидан кимёвий маҳ-сулотлар ишлаб чиқариш эъти-бордан четда қолмоқда. Маълум-отларга кўра, юртимизда ишлаб чиқарилаётган нўғит маҳсулот-лар, асосан, полиэтилен, поли-пропилен, полистиролга хорижий давлатлардаги эҳтиёжнинг молия-вий қиймати 100 миллиард дол-лардан ошади. Бу эса биз учун яхши имкониятидир.

Хулоса ўрнида айтганда, маз-кур ҳужжат республикамизда кимё маҳсулотлари ишлаб чи-қариши ривожлантириш баробари-да, юртимиз молиявий барқарор-лигини таъминлаш имконини беради.

Қаҳрамон ЭРҲАШЕВ, Ўзбекистон Республикаси Олий Мажлиси Қонунчилик палатаси депутати.

Владимир НОРОВ: «ТЕРРОРИЗМГА ҚАРШИ КУРАШ БЎЙИЧА ЎЗБЕКИСТОН ТАЖРИБАСИ ХОРИЖДА КАТТА ҚИЗИҚИШ УЙҒОТМОҚДА»

1 ➡

Мазкур тенденцияларнинг салбий оқибатлари ШХТ минтақаси барқарорлиги ва ривожланишига ҳам таъсир кўрсатяпти.

Замонавий таҳдидлар ва хатарларга қарши кураш самарадорли-гини ошириш жаҳон ҳамжамияти-дан яқин мулоқот ҳамда ўзаро ало-қаларни йўлга қўйиш, хавфсизлик-ни таъминлаш бўйича умумий ёнда-шувларни ишлаб чиқишни талаб этмоқда. Айниқса, ёшлар орасида унинг оқибатларига эмас, балки пайдо бўлиш сабабларига қарши кураш асосий вазифа ҳисоблана-ди. Шундай экан, ёшларни экстре-мистик ғоялар тўғрисида тушиб қо-лишдан асрашимиз керак.

Айтиш лозимки, ҳозирги кунда дунё бўйича ёшлар инсоният тари-ҳида қўлғили бўйича бузғунчи қу-чларнинг асосий кураш объектига айланган энг катта авлоддир. На-вқирон авлод сони 2 миллиард на-фарни ташкил этапти. Халқро экс-пертлар маълумотларига кўра, 300 мингга яқин 18 ёшга етмаган ўғил-қизлар жаҳондаги диний-экстре-мистик гуруҳлар таркибидан жой олган. Шу боис бугун ёшларнинг радикаллашуви энг хавфли ва ўткир муаммо бўлиб турибди. Ушбу ҳолат дунёнинг қўллаб-давлатларида иж-тимоий, маданий ва ахлоқий маса-лалар мажмуи ўз ечимини кутаёт-ган бир шароитда юзга келаётир. Қолаверса, глобаллашув шароити-да маданий-цивилизациявий ман-сублик муаммолари кучаймоқда. Мутахассисларнинг фикрича, жами-ятда шахс мақоми ва талабчанлик тўғриси етишмовчилиги ёки умуман йўқлиги ёшлар ўртасида радикал қайфият қучайишининг асосий са-бабига айланмоқда.

Бузғунчи гуруҳлар эса “йўқотил-

ган” ёш авлод учун ўзгаришлар “агентлари”, “истикболли” имкони-ятлар ҳамда аниқ бир мақсадга эришиш усулига айланишга уриняпти. Бу йўлда диний, мафку-равий ва миллий воситалардан фойдаланмоқда.


Телекоммуникация технолгия-лари ривожланиши ва интернет тармоғи аудиториясининг ортиши эса нафақат халқро террорчилик ташкилотлари ҳамда экстремистик оқимларга ўз мафкурасини ёйиш учун деярли чексиз имкониятлар, балки аҳоли ўзини ўзи радикаллаш-тириши, янги аъзоларни ёллаш учун шароитлар яратмоқда. Глобал тар-моқ экстремистик ва террорчилик ташкилотларига чегараларни кесиб ўтиш, вақт ҳамда маконни ортда қолдириш имконини бераётир.

Шундан келиб чиқиб таъкидлаш жоизки, терроризм ва экстремизм тарғиботига қарши кураш ШХТ Минтақавий аксилтеррор тузилма-



бўйича ўринбосари лавозими ки-ритилди. Судьялар олий кенгаши ва Олий судда ёшлар етакчилари кенгаши шакллантирилди. Улар ёш авлоднинг ҳуқуқ ва манфаатлари ҳимояси билан шуғулланади. Бун-дан ташқари, ҳар бир маҳаллада фуқаролар йиғини раисларининг ўринбосарлари — ёшлар масала-лари бўйича маслаҳатчилари лаво-зимни жорий қилинди.

Иккинчидан, 2018 йил июнь ойи-да “Экстремизмга қарши курашиш тўғрисида”ги Қонун қабул қилин-ди. Унда “экстремизм”, “экстремис-тик фаолият”, “экстремистик таш-килот” каби асосий тушунчаларга аниқ изоҳ берилган. Тушунтириш ишларини олиб бориш, ҳуқуқий тарбия ва таълимни ташкил этиш, экстремизмга қарши курашиш ма-салалари бўйича ўқув-услубий ва илмий адабиётларни ишлаб чиқиш, маданий анъаналарни, маънавий, ахлоқий ва ватанпарварлик руҳи-



си фаолиятининг асосий қисмини ташкил этади. Бу борадаги ишлар кучайтирилмоқда. Хусусан, 2016-2017 йилларда ахборот хавфсиз-лиги линияси бўйича олиб борил-ган чора-тадбирлар натижасида террорчилик ва экстремистик ха-ракатдаги 4 миллиондан зиёд ах-борот материалларидан ташкил топган 100 мингга интернет-ресурс тармоқдан ўчириб ташланди ёки фаолиятига тўсик қўйилди.

Ўзбекистон Президенти Шавкат

қандда Имом Бухорий номидаги халқро илмий-тадқиқот маркази, Тошкентда Ислон цивилизацияси маркази очилди.

Шиори “Жаҳоллатга қарши маъ-рифат” бўлган мазкур даргоҳлар-нинг фаолияти ёшларга ислом ди-нининг ҳақиқий мазмун-моҳиятини тушунтириш, уларни буюк аллома-ларимиз ҳамда олимлар қолдирган бой маънавий мерос билан таниш-тиришга қаратилгандир.

Умуман, республикада бу бора-да олиб борилган чора-тадбирлар натижасида 30 ёшгача бўлган шахс-лар ўртасида терроризм билан боғлиқ қайд этилган жиноятлар сони 2018 йилнинг дастлабки олти ойида 2017 йилнинг шу даврида-гида нисбатан 65,7 фоиз камайган. Шунинг учун экстремизм ва тер-роризм таҳдидларига қарши кураш бўйича Ўзбекистон таърибаси қўллаб-хорижлик мутахассислар эътиборини ўзига тортмоқда. Экс-пертлар баҳоларига кўра, Ўзбекис-тоннинг ушбу сиёсий йўли муслон-ом олами учун муҳим ва мутлоқ янги йўналиш ҳамда модель — “Маърифатли ислом” қоясига асос солмоқда.

Жорий йил “Human Rights Watch” томонидан эълон қилинган маъру-зада диний экстремизм таъсирига тушиб қолган, лекин ўз айбини тан олган қарийб 17 минг кишиларни “махсус рўйхатлар”дан чиқариш, шунингдек, уларни нормал ҳаётга қайтариш бўйича қабул қилинган қарорнинг барқарор ижтимоий сиёсатини таъминлашдаги аҳами-ятли эътироф этилгани ҳам бунинг тасдиғидир.

Хулоса ўрнида таъкидлаш керак-ки, ёшларимиз радикаллашувининг олдини олиш бўйича ҳам миллий, ҳам халқро даражада самарали воситалар яратиш навқирон авлод-ни турли мафкуравий таҳдидлар ва ёт ғоялардан максимал ҳимоя қилиш ҳамда уларда бундай хатар-ларга нисбатан мустаҳкам имму-нитетни шакллантиришни таъмин-лайди.

«Халқ сўзи» мухбири Санджон МАХСУМОВ ёзиб олди.

БЮДЖЕТ маълумотларининг очиқлиги таъминланади

2018 йил учун Давлат бюджети даромадлари 62,2 триллион сўм, харажатлари 62,1 триллион сўм қилиб белгиланган эди. Амалда жорий йил якуни бўйича даромадлар 74,5 триллион, харажатлар эса 78,5 триллион сўм бўлиши кутилмоқда. Бу кўрсаткич 2018 йилга белгиланган даромадлар 12,3 триллион сўмга, харажатлар 16,3 триллион сўмга ортганини кўрсатмоқда.

Мамлакатимизда олиб борилаётган иқтисодий ислохотларнинг бош мақсади — аҳоли қатламларининг ижтимоий ҳолатини яхшилаш орқали ҳамюртларимиз турмуш даражасини халқаро стандартлар даражасига етказишдир.

Тахлиллар шуни кўрсатмоқдаки, жорий йил учун Давлат бюджети харажатлари мамлакат ялли ички маҳсулотининг қарийб 22 фоизига тенг микдорда режалаштирилган бўлиб, ушбу маблагнинг 55,8 фоизи ижтимоий соҳани қўллаб-қувватлаш ва ривожлантиришга мўлжалланган. Агар аввалги йиллар билан солиштирилса, бу йил ижтимоий соҳани ривожлантиришга йўналтирилаётган маблаглар биргина 2017 йилдагига нисбатан 27,8 фоиз кўпдир.

Энди ижтимоий йўналтирилган маблагларни таҳлил қиладиган бўлсак, унинг қарийб 35 фоизи соғлиқни сақлаш тизимини қўллаб-қувватлашга қаратилган. Бу микдор ўтган йилдагига нисбатан 31 фоиз ортиқ. Йил давомида фақат “Тез ёрдам” пунктлари ва касалхоналарнинг биринчи даражали зарур доридармонлар билан таъминлаш учун 915 миллиард сўм, яъни 2017 йилдагига нисбатан 2,5 баробар кўп маблаг сарфланмоқда. Шунингдек, 600 та “Тез ёрдам” станцияси,

270 та касалхона, 793 та қишлоқ врачлик пункти реконструкция ёки капитал таъмир қилиниб, 22 та тиббиёт муассасаси бутунлай янгидан қурилмоқда.

Кейинги йилларда тиббиётга жорий этилаётган илгор инновацион ишланмалар соҳанинг моддий-техника базасини тубдан модернизациялаш талаб этмоқда. Шундан келиб чиқиб, энг чекка қишлоқ врачлик пунктлари ҳам замонавий тиббий техникалар билан жиҳоз-

да болаларни мазкур муассасаларга қамраб олиш даражаси 30 фоиздан 35 фоизга кўтарилди холос. Ушбу вазият соҳада ҳали жуда кўп амалий ишлар қилиниши лозимлигини кўрсатмоқда. Шу мақсадда кейинги йил бюджетида ҳам мактабга таълим соҳасини ривожлантиришга салмоқли маблаг ажратилиши мўлжалланган.

2018 йилда ўқитувчилар, тарбиячилар, фан ва маданият ходимларининг маошлари оширилди, шу

3 триллион сўм, капитал қўйилма-ларга 12 триллион сўм сарфланиши назарда тутилаётир. Аммо бир пайтнинг ўзида, келгуси йилдан солиқ юқининг қамайтирилиши, айрим солиқ турларининг бекор қилиниши натижасида Давлат бюджетига тушумлар 9,4 триллион сўмга қамайтириши кутилмоқда.

Кўриниб турибдики, режалаштирилаётган харажатларни амалга ошириш Давлат бюджети даромадлари қисминини янги манбалар ҳамда солиқ тўлаш маданиятини ошириш ҳисобига тўлдиришни талаб этади.

Президентимизнинг “Бюджет маълумотларининг очиқлигини ва бюджет жараёнида фуқароларнинг фаол иштирокини таъминлаш чора-тадбирлари тўғрисида”ги қарори ижросидан келиб чиқиб, мамлакатимиз бюджетининг ҳар бир фуқаро учун очиқлиги, барча солиқ тўловчиларнинг бюджет шаклланиши ва ишлатилиши жараёнида фаол қатнашишларини таъминлаш долзарб аҳамият касб этади. Биз, сенаторларнинг ҳам Давлат бюджетида назарда тутилган ҳар бир тадбирни халқимизга тушунтириш ва тарғиб қилишда фаоллик кўрсатишимиз бюджет маълумотларининг очиқлигини таъминлашга хизмат қилади. Зеро, давлатнинг энг асосий ҳисоб-китоб дастуридан ҳамма бирдек хабардор бўлиши жойларда унинг ижроси самарали таъминланишига ёрдам беради.

Мажлис ЖУМАГАЛДИЕВ, Ўзбекистон Республикаси Олий Мажлиси Сенатининг Бюджет ва иқтисодий ислохотлар масалалари қўмитаси раиси.

Манзилли ижтимоий ҳимоя амалиётини келгуси йилда ҳам давом эттириш кўзда тутилган. Тиббиёт ходимларининг маошлари босқичма-босқич 26,5 фоиз, фан ва таълим муассасалари ходимларининг маошлари қарийб 1,5 баробар оширилиши режалаштирилган.

Бундан ташқари, келгуси йилда сув танқислигининг олдини олиш мақсадида суғориш иншоотларини модернизациялаш учун қўшимча

Аэропортдан «Tashkent City»гача

ОСМА ВАГОНДА БОРИШ ЛОЙИХАСИ. У ҲАҚДА НИМАЛАР МАЪЛУМ?



Рус техника уюшмаси мутахассислари томонидан тайёрланган жамоат транспортининг мазкур янгича кўриниши ишланмаси аэропортлар ва шаҳар атрофларини шаҳар транспорт инфратузилмаси билан боғлашни назарда тутди. Бинобарин, йўловчиларни, айниқса, тигиз йўналишларда ўз вақтида манзилларига етказиб қўйиш жараёниларини енгиллатириди. “Стрела” ЕТТ учун йўлардаги тирбандликларнинг таъсири йўқ. Сабаби у бундай ҳудудларнинг устидан ўтди. Демак, у йўл ҳаракатига, йўл ҳаракати унга ҳалақит бермайди.

“Стрела”нинг бошқа афзалликлари ҳам бор. У экологик жиҳатдан тоза, шовқин чиқармайди, шаҳарнинг зич жойлашган иморатлари ансамблига уйғунлашиб кета олади. Ушбу механизм машинистсиз, яъни автоматик тарзда боқарилади.

Уни барпо этиш учун трассадаги объектлар, жумладан, тураржойларни бузиш шарт эмас. Фақатгина таянчлар тагида ихчам участка бўлса қифоя. Экспертларнинг фикрича, бу тизим самарадорлиги, хавфсизлиги ва инвестициявий жозибадорлиги жиҳатидан жаҳонда мавжуд мўқибиллари ҳамда бошқа транспорт ечимларидан афзал ҳисобланади.

...Ўзбекистон пойтахти транспорт инфратузилмаси билан танишган россиялик мутахассислар аэропортдан айна пайтда барпо этилаётган “Tashkent



дея таъкидлайди Иван Филатов. — Айни чоғда ер усти транспорт тизими ўзига хос имидж яратиш хусусиятига ҳам эга. Ваҳолонки, бундай техникаларни яқин-яқинларгача фақатгина келажак ҳақидаги фильмларда кўриш мумкин эди. Энди эса бу реал ҳаётга кўчмоқда. Жумладан, Москва областининг Красногорск туманида ана шундай лойиҳани амалиётга жорий этмокчимиз. Жорий йил охиригача инфратузилма объектлари ҳамда диспетчерлик бошқаруви марказига эга мазкур тизим сертификатлаш жараёни-

нечта платформани ҳисобга олмаганда, ўтиш йўлакларни, боғламалар ва бошқа инфратузилмаларни қуришга зарурат йўқ. Шунинг учун ҳам Россиядаги қатор банклар “Стрела” ЕТТ лойиҳасига инвестиция ажратишга тайёр эканлигини маълум қилляпти.

Айни чоғда бизнинг тизимга бошқа давлатлар қизиқиш билдирмоқда. Аргентина, ЖАР, Хиндистон, БАА шулар сирасидандир. Ушбу лойиҳа Ўзбекистонда ҳам амалга оширилишига умид қиламан. Зеро, форум доирасида Ўзбекистон Республикаси Инновацион ри-

вожланиш вазирлиги ва “РТО” МЧЖ ўртасида ўзаро англашув меморандуми имзоланди. Вазирлик кенг миқёсда ҳамкорлик қилиш, жумладан, “Стрела” ЕТТ лойиҳасини ҳаётга татбиқ этишга қизиқиш билан қаради. Яқин кунлар ичида шу бўйича ишчи гуруҳ тузилади. Қолаверса, Инновацион ривожланиш вазирлиги таклифи асосида Улуғбек шаҳарчасидаги Фанлар академиясига қарашли муассаса билан йирик транспорт тармокларини боғлайдиган трасса концепцияси ишлаб чиқилади. Шулар билан бир қаторда, қўшма ишлаб чиқариш ва муҳан-

Қисқа

сатрларда

● Тошкентда Ўзбекистон — Малайзия бизнес форуми бўлиб ўтди. Ўзбекистон Савдо-санъат палатаси ва мамлакатимизнинг Малайзиядаги элчихонаси ҳамкорлигида ташкил этилган тадбирда икки давлат ишбилармон доиралари, 100 га яқин етакчи корхона ва компания вакиллари қатнашди.

● Хитойлик тадбиркорлар “Навоий” эркин иқтисодий зонасида юк ташиш ҳамда кўп қаватли уйларга мўлжалланган лифт ишлаб чиқариш заводи барпо этишни режалаштирмоқда. Шу мақсадда улар 2 миллион АҚШ долларини микдорда инвестиция қиритишларини маълум қилишди.

● Жорий йилнинг 7-8 ноябрь кунлари Тошкент шаҳрида “Мамлакатнинг демократик янгиланиши ҳамда модернизациясида аёлларнинг роли: Ўзбекистон тажрибаси ва халқаро амалиёт” мавзuida халқаро конференция ўтказилди. Ўзбекистон Миллий матбузид марказида ташкил этилган тадбирда мазкур нуфузли анжуманининг мазмун-моҳияти, мақсад ва вазифалари хусусида атрофлича маълумот берилди.

● Бердақ номидаги Қорақалпоқ давлат академик музыкали театрида “Нихол” мукофоти танловининг Қорақалпоғистон Республикаси босқичи якунланди. Унда туман ва шаҳар босқичлардан муваффақиятли ўтган 75 нафар иқдоркор ўз истеъдодини намойиш этди.

“Халқ сўзи” мухбирлари хабарлари асосида тайёрланди.

O'ZSANOATQURILISHBANK

Лойиҳа-смета хужжатларини экспертизадан ўтказувчи ташкилотлар раҳбарлари диққатига!

“Ўзсаноатқурилишбанк” АТБ

мазкур банкнинг Ал-Хоразмий филиали биносидида “Call-center” хоналарини ташкил қилиш мақсадида ўрнатилган тартибда лойиҳа ташкилотли ишлаб чиққан лойиҳа ва смета хужжатларини экспертизадан ўтказиб бериш

ПОЙТАХТНИНГ МЕТРО ҲАЛҚАСИ



Мазкур ер усти метроси 2019 йилда фойдаланишга топширилиши режалаштирилган. Кейинчалик, метро линияси “Олмазор”, “Беруний”, “Бодомзор” ҳамда “Тузель” бекатлари орқали яна “Дўстлик” бекатига туташтирилиб, ахлит метро ҳалқаси юзага келади.

Навбатдаги метро қурилиши Тошкент шаҳрининг Юнусобод туманида амалга ошириляпти. Янги ер ости йўлининг узунлиги 2,93 километрга тенг бўлиб, Юнусобод метро йўлининг иккинчи босқичи ҳисобланади. У 2019 йилда фойдаланишга топширилади. Ушбу бунёдкорлик ишлари якунига етгач, Юнусобод метро

замонавий бурғилаш техникаси келтирилди. Германиялик ва маҳаллий мутахассислар иштирокида мазкур комплекс тўлиқ монтаж қилиниб, ер остида бурғилаш тадбирлари олиб борилмоқда. Иш икки сменада ташкил этилган, линияда жами 200 нафарга яқин мутахассис ва ишчилар меҳнат қилмоқда.

Президентимиз ақинда Юнусобод туманига ташрифи давомида ушбу мажмуани ҳам кўздан кечириб, мутасаддиларга метро бекатларининг кўриниши ва инфратузилмаси бўйича тавсиялар берди. Бу эса жамоага янада куч ва ғайрат бағишлади.

— Янги техника билан ҳар ойда 300 метрдан зиёд бурғилаш ишларини амалга ошириш мумкин, — дейди мазкур замонавий бурғилаш техникаси мутахассиси Отабек Алимов. — Илгор техника билан амалга ошириладиган юмушларда ҳар сменада 30 нафарга яқин ишчилар фаолият олиб боради. Мутахассисларимиз Германияда ушбу йўналишда малака ошириб келишди. Бугунги кунгача 200 метрдан зиёд масофада очиқ усулда қурилиш ишлари олиб борилди.

Шуни алоҳида таъкидлаш жоизки, мазкур техника билан бурғилашдан ташқари, ер ости йўлида тубингларнинг монтаж қилиш ҳам бажарилади.

Мирзо МУРОТОВ.

«Ер ости саройи»нинг бетакрор гўзаллиги «National Geographic» нигоҳида

Жаҳонга машхур “National Geographic” журнали мухбири Луцио де Стефани ўз мақоласида Тошкентдаги “ер ости саройи” — метрополитенда бўлиб, унинг бетакрор гўзаллигидан ҳайратга тушгани ҳақида баён қилган.



NATIONAL GEOGRAPHIC MAGAZINE

Таассурот

Журналистнинг фикрича, пойтахтимиз метросини кўриш учун минглаб километр масофа босиб, Ўзбекистонга келишга арзийди. “Тошкентга келинг ва ер остига “яширилган” гўзалликдан баҳраманд бўлинг, — дея ўқувчиларга мурожаат қилади шарҳловчи. — Марказий Осиёда биринчи бўлиб бун-

ва айланма чизиклар, мафтункор тўқ кўк ҳамда зумрадранг “оҳанг”лар ўзгача манзара яратган. Ҳар бир бекат такрорланмас услубга эга. Маҳаллий рассомлар томонидан шиша, сопол, пластик, мрамар, металл ва алебастрдан яратилган безаклар кўзни қувонтиради”.



Шарқнинг энг қадимий шаҳарларидан бири бўлиш Тошкент доим сайёҳлар эътиборини тортиб келган. Ушбу мегаполис орқали Фарб ва Шарқ ўртасида савдо-сотик ва маданий алоқалар ривожланган. Ҳатто 1966 йилда содир бўлган зилзила ҳам шаҳарнинг темир иродасини бука олмади, у қисқа муддатда тикланиб, янада гўзаллашди.

“Президент Шавкат Мирзиёев ниҳоятда муҳим ислохотларни бошлади. Мамлакат ташқи дунёга очилмоқда. Халқаро ҳамжамият республиканинг шонли тарихи, бетакрор маданияти ва меъморий гўзаллигини кўриши ҳамда ундан баҳраманд бўлиши лозим. Ўзбекистон раҳбарияти ту-



ёд этилган метро декорациялар, устунлар ва ёрқин нур таратиб турган йўллардан иборат. Улар ҳар қандай кишини ҳайратда қолдиришга қодир санъат дурдоналаридир”.

Мақолада айтилишича, яқин-яқингача ер остида суратга ва видеога олиш тақиқланган эди. Бу эса пойтахт меҳмонлари учун қўллаб-қувватлашга тўғдирадди. Ўзбекистон раҳбариятининг ташаббуси билан ушбу тақиқ олиб ташланди. Энди Тошкент аҳолиси ва меҳмонлари нафақат метрополитен чиройини кўриши ва завқланиши, балки ушбу санъат намуналарини ўз видеокамераларига муҳрлаб, уларни бошқалар билан ўртоқлашишлари мумкин.

Ана шу имконият туфайли бугун ижтимоий тармоқларда “ер ости саройи”нинг қўллаб суратлари жойлаштирилмоқда. Бу метронинг оммалашуви ва пировардига республикага сайёҳлар оқими ортишига хизмат қилляпти. “Замонавий меъморчилик услублари шарҳона аънаналар асосида ишланган нақшлар билан уйғунлашиб кетган, — дейилади “National Geographic” да. — Бурчаксимон шакллар, ўткир

ризмга даромад олишнинг муҳим йўналишларидан бири сифатида эътибор қаратмоқда. Виза тартибини соддалаштиришга доир сўнгги ўзгаришлар бунга яққол мисол бўла олади. Тошкент — мамлакатнинг дарвозасидир, қўллаб сайёҳлар ўлка бўйлаб сафарини айнан пойтахтдан бошлайди. Биз эса Тошкент бўйлаб саёҳатни унинг метрополитенидан бошлашни тавсия қиламиз”, деб ёзади “National Geographic” мухбири.

Анвар МИРЗАЕВ («Халқ сўзи») тайёрлади.

Хасан ПАЙДОЕВ олган суратлар.

